

Christus
pro omni-
bus pecca-
tis semel
satisfecit.

Pax &
gaudium
justificato-
rum.

CAPUT QUARTUM

IV. Amoturus iniquitatem die uno] Christus
semel passus est, & unica oblatione in perpetuum consummavit
eos, qui sanctificantur Rom. 6, 9. Joh. 19, 30. Hebr. 9, 25. & 10,
14. 1. Petr. 3, 18. quorsum igitur pontificiorum supervacanea
addicamenta merito Christi assuta?

Ex versu 10.]

Die illo vocabitis quisq; amicum suum] Justificati
fide pacem habent apud Deum per Dominum nostrum Jesum
Christum Rom. 5, 1. Non enim est regnum Dei cibus aut po-
tus (quorum tamen sub imagine gaudium & dulcedo illius ad-
umbratur Math. 8, 11. Apoc. 2, 17.) sed justitia, & pax & gau-
dium in Spiritu Sancto Rom. 14, 17. Est enim opus justitiæ
pax, effectus, inquam, justitiæ tranquillitas & securitas
usq; in seculum Esa 32, 17. 18. confer Jerem. 23, 6. & 33, 16. &
Calvinum lib. 3, Instit. c. 13, sect. 4. & 5.

CAPUT QUARTUM.

Argumentum.

Summa.

Typi Chri-
sti.)

Summa hujus visionis est, quæ vers. 6. disertè ponitur,
Ecclesiam (cujus typus erat templum & urbs Ieroso-
lymorum, & quò omnia tandem velut ad antitypum
referuntur, sicut etiam Zerubbabel, in hoc capite, ut
Iehosua sacerdos maximus cap. præced. est typus venturi
Messiæ, quemadmodum declaratum est Haggæi cap. 2.
vers. ult. & proinde quæcunque his aut de his dicuntur, po-
tissimum in Christo suum habent complementum) non
constitui, neque gubernari, neque sustentari ordinarijs natu-
ræ medijs, aut hominum consilijs, sed Dei potentiâ, virtute
ac spi-

ac spi-